









104
P E T R I
ANGELII BARGAEI

Laudatio

AD FVNEBREM CONCIONEM

Quæ Pisis habita est in Exequiis

COSMI MEDICIS

Magni Hetruriæ

DVCIS.



FLORENTIAE.

Apud Iuntas.

M. D. LXXIIII.

CVM LICENTIA ET PRIVILEGIO.

ANGELI BARGAI

Laudatio

Ad Famae et Gloriam
 (Gloria habet)
 G. B. B. B.



FLORENTIAE.

And Innes.

M. D. LXVIII.

Cur. Impress. et Public. Libr.



I quanto vos in luctu & squalore esse animaduerto propter incredibilem dolorem, quem ex acerbissima COSMI MEDICIS Magni Hetruscorum Ducis morte accepistis; Cives; tantam ego ad dicendum vim ac facultatem conferre possem: non dubitarem me esse cunctorum expectationi desiderioque cumulatifsimè satisfacturum. Ex quo illi prudenter egisse videntur; qui mihi homini, quamquam fortasse aliquantum in dicendo exercitato, sed tamen tam incredibilis iacturæ magnitudine vehementer commoto tantum oneris hodierno die imposuerunt. Efficerem enim profectò, vt nulli, neq; vobis ad lugendum causam iustiore accidere: neque cuiquam ad dicendum argumentum copiosius offerri potuisse non faterentur. Nunc vero cum mihi in hac rerum acerbitate versanti tum mentis acies, tum ingenium ipsum, exiguum illud quidem, & voluntati minime par hebescat & langueat, eumque vestrum omnium mororem esse videam, quem nulli Oratores quamuis omnibus Eloquentiæ laudibus assuentes vlla verborum copia vel æquare, vel consequi valeant, nihil planè reliquum est, quamobrem ego quidem confidam fore, vt in hoc ipso argumento tractando talem me præbeam, qualem non modo vos existimatis, sed etiam res ipsa postulat. Quis enim dicendi vsu tam exercitatus est, qui eum, non dicam in communi totius Hetruriæ luctu, sed priuatim in suis suorumque Ciuum lachrymis satisfacere possit.

Laudatio ad funebrem concionem

cundus esse possit, idem etiam stupiditatis atque immanitatis nomine accusari non debeat, & à communi cæterorum omnium sensu plurimum abhorrere non videatur? Neque enim qui vere atque ex animo dolent, dolore ipsi suum satis commode dissimulant: aut si quâdo accidit, vt temporis causa dissimulent, animus tamen in lugendo occupatus, dum ipse cum ægritudinis acerbitate ac magnitudine quasi luctatur, nihil præclare agere, nihil laudabiliter moliri, nihil, quod ab aliis magnopere commendetur, efficere & præstare consuevit. Quibus quidem incommodis ac difficultatibus planè circumuentus atque oppressus, non profitebor, Ciues, meam hâc Orationem huiusmodi vim habituram esse, ex qua vos ad liberandos animos vestros à mœrore, quo estis affecti, consolationem aliquam hauriatis. Neque, id vt consequar, magnopere contendam, me vt benigne ac perattente audiat. (Cur enim illud postulem, quod mihi vltro ab omnibus, quæ vestra est humanitas, libentissime tribui video?) Sed ea potius breuissime percurram, quorum causa par ego esse existimo, vt dolori nostro, quem ex illius obitu omnes capimus, grauissimum & vix consolabilem, non modo ignoscatur, sed laus etiam aliqua, quod illi, quantum quidem in nobis est, indulgeamus, à cæteris gentibus, quarum ad aures peruenierit, non inuitis tribuatur. Neque hac in re tamen ita verfabor, vt, quæ ille cumque præclare gessit, ea vobis sim in hac oratione explicaturus. Nam infinita penè cùm sint, ab Historicis potius scribendo, quàm dicendo ab Oratoribus tractentur necesse est. De multis igitur illustribus & gloriosis factis, quæ ad tanti viri memoriam cum admiratione & cultu reolendam mihi sese offerunt, ea seligam, quæ cùm breui hoc & perangustio temporis spatio satis explicate percenseri poterunt: tum ab eo, quod agi à nobis oportere paulo ante statuimus,

tuimus, non aliena esse videbuntur. Non possum non magnopere mirari veterum Poetarum sapientiam, Cives, qui cum existere interdum aliquos vidissent incredibili virtutum excellentia præstantes, eos non homines, sed Heroas appellabant. Quod naturæ quædam quasi similitudine & cognatione proxime ad Deos cum accederent, ex Diis etiam ipsis, tametsi fabulosè illi quidè, at non sine aliquo tamen argumento nati esse crederentur. Sic Thetidem Achilles, Venerè AEneas, Theseus Neptunnum, Romulus Martem parentes habuisse existimati sunt. Quod quidem ego factum puto, quo probabilius naturæ ortum excellentis & supremæ non ad homines, sed ad Deos immortales referri oportere ostenderet. Cuius præsertim virtus cum in gente quapiam altissimas radices egisset, eæque postea mirabili quadam continuatione serieq; liberorum & nepotum viros in administranda Republica facile principes propagauissent, necessario effecerunt, ut huiusmodi familiæ cæterorum omnium familiis nobilitate & præstantia longissime preferrentur. Qua ratione adducti veteres Græci tum AEacidas tum Heraclidas à Ioue: Latini vero Iuliam gentem a Venere, Cæsarem Augustum ab Apolline ortum habuisse autumabant. Quin & ipse quoque Alexander Macedo cognomento Magnus, cum iuueniliter exultaret, & paulo ille quidem insolentius, quam oporteret, gloriaretur, se se à Ioue natum esse, Olympiadem eius matrem facti turpitudine vehementer commotam, tantam audaciam tantamque impudentiam in filio grauius accusasse, ferunt: cum diceret, an ille me apud Iunonem aliquando tandem criminari non desinet? Sciebat enim mulier castissima non Iouem, sed Philippum Alexandri Patrem esse, & ea, quæ de Heraclidarum atque AEacidarum origine, a quibus tum ipsa tum Philippus profecti fuerant, vulgo cir-

Laudatio ad funebrem concionem

cum ferebantur, fabulose narrari. Quod homines suæ sibi imbecillitatis conscii fieri non posse opinarentur, ut qui fatu ac natura homines essent, tantas res ipsi sine diuinitate conficerent. Nisi planè dementes fuisse Veteres existimemus, qui non perspicerent quantam labem atque ignominiam virtuti aspergerent, cum quempiam ex incestu ac stupro procreatum fuisse dicerent. Sed illud sine vlla dubitatione verum est: Heroas eos ac diuinos homines dici consueuisse, qui ex iis maioribus orti essent, in quibus non minores istæ ac leuiiores virtutes, sed diuinæ scilicet atque heroicæ, quæ supra nos sunt, se se extulerunt. Quæ quàm aptè conueniant in genus ac stirpem planè regiam, ex qua Medices orti sunt, qui non aperte vident, qui non ingenuè fatentur, qui non liberè prædicant: si præterquam quod in sermone omnium celeberrimo planè peregrinantur, tantum etiam abest virtuti ut faueant alienæ, ut tam excellentibus vetustissimæ familiæ bonis turpiter inuidere videantur. Nam quæ domus est, quæ plures effuderit in omni virtutum genere principes viros? Dies me, hercule, dicentem deficiat, si eos commemorem, qui domi forisque nominis splendore maxime illustres fuerunt: si clarissimos ac sapientissimos ciues percenseam, qui priuati cum essent, rerum gestarum gloria, & animi magnitudine cum summis atque opulentissimis Regibus contenderunt: si acerrimos ac fortissimos milites: si liberalissimos atque inuictissimos Duces: si maximos & castissimos Sacerdotes ac Pontifices enumerem: quorum omnium actiones & facta non hominum, sed lectissimorum heroum fuisse existimantur. Quæ non eò tamen à me dicuntur, quod ad hanc huiusmodi laudationem faciendam Auorum ac Proauorum imperia, magistratus, potestates, triumphos: publice priuatimque res egregie gestas: cum maximis ac potentissimis regibus affini-

affinitates coniunctas commemorare & quasi vobis in Sole ambulantis facem præferre instituerim. Sed ut doceam minime mirum videri oportere, si COSMVS MEDICES ortus ab iis maioribus omnium mortalium sapientissimus & opinione hominum habitus est, & reuera etiam fuit. Quod quo certius ex innumerabilibus eius vitæ actionibus constare omnibus potest, eo etiam dolentius ferri hunc ipsius extremum à nobis ad Superos discessum oportere intelligimus. Amissimus enim, Ciues, eum Principem, cui neque ad Hetruriæ totius dignitatem & amplitudinem augendam: neque ad Reipub Christianæ salutem cōseruandam, neque ad omnium populorum, quibus ipse imperabat, felicitatem, si qua in rebus humanis felicitas est, & præstandam & tuendam quicquam deerat: non opes: non copix: non mens: non consilium: non voluntas: non apud omnes gentes ac nationes admirabilis existimatio, atque incredibilis auctoritas. Ut hoc potissimum nomine populi omnes, qui in eius non dicam imperio ac dominatu, sed in fide & clientela conquiescebant, beatissimi esse tum à finitimis, tum ab externis nationibus existimarentur. Eamq. multi Principes ac Dynastæ opinionem cum in suis penitus defixam esse perspiccerent, quāquam fortasse tantarū virtutum præstantiæ parum æqui, tamē tantum absuit ut imperandi rationem reprehenderint, ut studiose etiam, quantum quidem fieri præstariq. ab iis potuit, confectati fuerint. Ac me hercule cogitanti mihi, & memoria superioris ætatis incommoda repetenti, quibus & Hetruriæ totius & omnium Italorum res miserimæ conflictatæ sunt, diuinum atque immortale Dei opt. max. beneficium videri solet: qui tam miseris ac luctuosis Italiæ temporibus eum virum, atque adeo Heroem excitauerit, cuius virtute & sapientia bella omnia, quibus Europa iamdiū conflagrauerat, sedarentur.

Laudatio ad funebrem concionem

rentur. Quod quidem ipsum quamquam magnis laboribus & erumnis suis consecutus est, ea tamen potissimum auctoritate, quam illi res iam inde ab adolescentia vel a pueritia potius non minus fortiter quam prudenter actæ maximam compararunt, in primis confecisse existimari & potest & debet. Nam aut hic noster vnus est, qui suo ipsius exemplo, quantum consilio tribui oporteat, planissime ostendit, aut alius nemo: siue ille ex nostra, siue ex Annalium memoria repetatur. Et quidem, ut cæteros prætermittam omnes, qui a senibus ipsi penè pueri ad clauum Reip. gubernandum è priuatis familiis euocati sunt, vnum C. Octauium, qui postea est Augustus cognominatus, nominare possumus, quicum COSMVM MEDICEM comparemus. Is enim cum annos ad 18. natus esset, a Senatu Reipu. gerendæ præfectus est. Qua tamen prospere gesta dominandi cupiditate accensus atque inflammatus, eos, quorum opibus & consiliis adiutus, auctus, atque ad summum imperium euectus fuerat, flagitiosissime prodidit: & communibus populi Rom. hostibus se adiunxit: iisque mox è medio sublatis per ciuium cædes aditum sibi ad eam Remp., quam in fidem ad certum tempus receperat, quo iure quauè iniuria occupandam patefecit. At hic Heros noster, paulo adolescentior cum esset, & ciuium dissensione potentissimorum status Reip. miserè laboraret, eoque rerum summa redacta esset, ut omnia omnium cædibus paulo post complenda esse viderentur: neque quidquam propius abesset, quam ut Vrbs Florentia sedibus penè suis euerteretur: & cuncta Hetruria foedissimis bellis, incendiis ac rapinis vastaretur, è priuata domo, in qua à sanctissima matre MARIA SALVIATIA castissime atque integerrime ad spem supremæ fortunæ eductus fuerat, excitus, atque adeo quasi quidam nouus Serranus è suburbano agro, in quem

Petri Angelii Bargai.

quem ipse animi causa diuerterat, ad Dictaturam summa populi voluntate à frequentissimo senatu euocatus, Remp. suo ipsius patrocínio commendatam accepit, non vt ad tempus eam gereret, sed vt, tanquã Gubernator ad clauum in puppe residens perpetuò administraret: eiusque cursum sic dirigeret, vt à nemine præterea quamuis improbo & factioso ciue impediri aut retardari posset, quo minus in eum portu, quem optimi quique magnopere optabant, incolumis perueniret. Quod cum fieri vix posse nonnulli arbitrantur: futurumque existimarent, vt Cives rursus inter se grauissimis dissensionibus ac discordiis agerentur; atque vnà cum ipso adolescentulo *COSMO MEDICE* Remp. funditus euerterent, auctores illi erant, vt non modo patienti, sed etiam libenti animo tam graue ac periculosum onus deponeret. Qua scilicet ratione si ruenti patriæ ferre opem non posset, at salutem ipse suam, quam quisque charissimam habere consuevit, honestissime tueretur. Verum enim verò cum ipse minus omnino sibi, quàm patriæ se natum esse existimaret, nulla, neque impèdientis periculi tempestate, neque terrorum ac minarum, quæ proponebantur, magnitudine, neque certissimæ mortis denunciatione permoueri vnquam potuit, quo minus illud ipsum, quod semel sibi a Senatu mandatum fortiter agere instituerat, constantissime persequeretur; & patriæ salutem sua sibi esse salute longe antiquiorem ostenderet. Qua quidem in re quantum hostibus tum bellicæ facultatis scientia præditis, tum rerum gerendarum vsu exercitatis virtute & sapientia antecelleret, patefactum est. Nam cum eos, in apertam vim coniecisset, ita ipse pene præsidii omnibus destitutus aduersarios ab opibus & copiis paratissimos, & ad ciuium cædes instaurandas, Reique P. statum conuellendum ruentes sudit ac fugauit, nihil vt esse per-

Laudatio ad Funebrem concionem

timeſcendum oſtenderit, vbi conſilium cum temeritate; Virtus cum audacia; ius cum iniuria conſlietur ac dimicat. Vicit enim propemodum inermis armatos; puer viros: imbecillus robustos: Tyro Veteranos. Qua quidem ex victoria haud ſanè facile ſtatuerim, maiorem ne auctoritatem apud hoſtes, an beneuolentiam & charitatem ſibi apud ſuos conciliauerit. Nam neque hoſtes, cum belliæam virtutem, quæ antea, vt in puero, aut nullam aut perexiguam eſſe opinabantur, ſuo ipſi periculo & plurimam & excellen-tem fuiſſe cognouiſſent, vllū præterea bellū ad oppugnandā patriā ſibi eſſe redintegrandū putauerūt: neque ciues tot tantorumque periculorū formidine liberati, amare illum & ſingulari claritate proſequi non potuerunt: à quo ſeipſi vnà cum Rep. præter ſpem atque opinionē ſuam ſeruatos eſſe apertiffime vidiſſent. Et quidem non deſuerunt qui tam incredibilis, tã inſperatæ, tam repentinæ propemodū victoriæ exitum vel perpetuæ MEDICVM felicitati, vel Dei opt. max. ad quem omnia referenda ſunt, voluntati & conſilio tribuerint. Ac mihi ſanè libet hic cōmemorare, Ciues, quod quamquam fabuloſum fortalſe videri poteſt, multorum tamen ſermone celebratum eſt; & rerum, quæ poſtea conſecutæ ſunt, euentu cōprobatum: à nobis certè de iis auditum, qui totum id, quod dicturi ſumus, ab eo, cui euenit, ſeſe accepiſſe teſtarentur. Ferunt enim Petro Strotio earum copiarum Duci, quæ tum reducendorum exulum gratia coactæ in citiore Gallia fuerant, iam iam ex Apennino in Hetru-riam deſcendenti ſecundum quietem viſam eſſe hominis imaginem longè illam quidem humana imagine auguſtiores. quam cum interrogaffet, ecquæ nam foret? minitabundam reſpondiſſe, ſeſe IOANNEM MEDICUM COSMI patrem eſſe. Illum, inquam, belli fulmen, cuius adhuc nōmen omnes gentes ac nationes

tionēs perhorrescunt. A quo deinde cum ipse sibi in Galliam reduci obtorto collo, & vniuersus exercitus, cui præerat, armis, viris, terrore, periculoque mortis repelli, fugari, cædi visus esset, expergefactum consurrexisse, ac tanto metu percussum esse, vt de fuga postea potius, quàm de victoria sibi esse cogitandum statuerit. Sed siue Heros ille inuictissimus è Cælo ad hostem perterrendum descenderit: Siue Deus opt. max. causam hanc nostram meliorem esse iudicarit: COSMVS certe IOANNIS F. MEDICES, ac patriæ fortitudinis effigies, armis & consilio conatus ad uersariorum fregit: ac tum primum ea victoria potius conualescentem Remp. confirmauit. Atque hac quidem in re quātum Cæsari Augusto præferri possit, facillime intelligent, qui vtriusque factum diligenter perpenderit. Nihil enim prohibet quo minus in dispari imperio ac dominatu par dignitas & fortuna eadem esse potuerit. Ille igitur Remp. præcipitantem impulit, ac perditam prostrauit: Hic labantem sustinuit, & prostratam erexit. Ille vniuerso penè Senatu extincto, atque innumerabilium ciuium sanguine crudelissime effuso Rempu. occupauit. Hic ex hostium etiam numero pluribus omnino vel in ipsa victoria seruatis, quàm interemptis, ac nulla planè siue in senatu, siue in populo cæde consecuta imperium constabiliuit. Ille mox licentiam sæuendi nactus nobilissimas quasque familias sustulit. Hic agendi clementer occasionem adeptus non modo cuiusquam fortunas non euerit, sed multos etiam ciues, qui superiorum temporum asperitatibus in maximas difficultates coniecti fuerant, in pristinam dignitatem atque amplitudinem suo priuatim sumptu restituit. Quamobrem eosdem illos hodie quoq. in ciuitate florere non ignoramus, quos antequam ipse Reipub. gerendæ præficeretur, opibus & copiis floruisse audiuius. Oh benig-

72
Laudatio ad funebrem concionem

gnitatem admirabilem, o, humanitatem incredibi-
lein, o, nullis vnquam sæculis auditam mansuetudi-
nem. Quod plerique omnes, cum in libera ciuitate re-
gnare incipiunt, necessarium esse putant, vt, quos e-
tiam leuissimis de causis suspectos habent, eos quo iu-
re quauē iniuria è medio tollendos curent: magnasq;
familiarum opes & factiones, quæ principem locum
antea in Rep. obtinere & quasi dominari consueue-
rant, obiectis multarum rerum difficultatibus atque
incommodis infringant ac debilitent, ipse tantum a-
beſt imitatus vt sit, vt etiam quā plurimis pepercerit:
adeundi magistratus & honores potestatem fecerit:
Rem familiarem amplificauerit, eorum etiam, quo-
rum in se odia fuisse acerbissima non suspicione atque
indiciis, sed re ac factis apertissimo deprehēderat. Hæc
qui non suspiciunt, qui non admirantur, qui præci-
pui quibusdam laudibus in Cœlum non ferunt, ii aut
quantum diuinæ cuidam atque heroicæ virtuti debea-
mus non intelligunt: aut si intelligunt, & tantorū ta-
men factorū magnitudinē vel verbis extenuant, vel si-
lētio prætermittūt, iam huiusmodi homines, non ho-
mines sed hominū monstra ac portēta sint necesse est.
Cæterum quātum illi in re militari auctoritatis & exi-
stimationis attulerit Resp. fortiter & prudenter ge-
sta, ea, quæ mox consecuta sunt tempora facillime de-
monstrarunt. Nam cū paulo pōst in Insubribus is, qui
tum Pro Cæsare in Italia Hispanis legionibus prærat
Alphonsus Daualus fortissimus Imperator insignem
cladem a Gallis accepisset; parumque abesset, quin il-
li eam victoriam consecuti rectā se ad oppugnandum
Mediolanum conferrent: atque Hispanos ex vniuer-
sa Italia præcipientes exturbarent; penè prius ab Heroe
hoc nostro lectissima Hetruscorum militum manu cō-
firmatus est, quā ab hostibus victus. Etenim nostrarum
legionum aduentum tantum terroris victoribus
attulisse

Petri Angelii Bargai.

attulisse tum constat, quantum non modo ad eorum animos iuueniliter exultantes reprimendos, sed etiam ad res Cæsaris, quæ tanto accepto vulnere penè corruerant, subleuandas & constituendas satis fuit. Itaque cum omnium opinione attritæ atque euersæ radicitus viderentur, in eum locum a nostris restitutæ sunt, ut ex inferioribus ac perditis, superiores atque integræ repente euaserint. Quod quidem ipsum nemo tam inuidus est, qui cum Hetruscorum militum virtuti ac disciplinæ, tum COSMI MEDICIS, cuius auspiciis ac iussu ed profecti fuerant, incredibili providentiæ, vigilantæ & felicitati acceptum referri oportere non ingenue fateatur & prædicet. Sustinuit itaque ille suis propemodum humeris res Cæsaris in Insubria labantes. Qua quidem in re præterquàm quòd Cæsari pro iis, quæ ab illo acceperat beneficia & plurima & maxima, gratiam cumulatissime retulit, communi etiam totius Italiæ quieti & tranquillitati consuluit. Id quod cum cæteris, quibus ipse semper non minus quàm sibi prospectum esse voluit, otium & securitatem peperisset, in suam suorumque perniciem propemodum redundauit. Nam Henricus Valesius aliquot post annis, cum in Galliâ regnum obtineret, quod ea in re parenti suo Francisco Valesio iniuriam fuisse factam existimaret, aut quod tum quidē ita videri vellet, hominum maleuolorum vocibus & scelere exulceratus, suasionibusque impulsus graue bellum nobis inferre statuit. Quod cum sibi necessario suscipiendum esse COSMVS MEDICES intelligeret, quamquam animo planè inuito ac recusanti cum affine atque amico Rege vi & armis decertaret, tamen tanta cum animi alacritate suscepit, ut dubitaret nemo, quin ipse sibi suo suorumque consilio, Rei que p. cui præerat, viribus & causæ ipsius æquitate frons, certissimam vi-
 & gloriam polliceretur. Itaque cum & reliquæ totius Ita-

Laudatio ad Funebrem concionem

liæ nationes ac Principes rerum euentum suspensio a-
nimo expectarent, futurumque crederent, vt euerso
MEDICVM imperio Galli paulopost in Hetruria do-
minaretur: ideoque omnes metu perculsi se suasque vires
intra suos fines continerent: easque hostibus potius, quam
nobis impertirent, ipse vnus incredibili quadam animi
magnitudine præditus fortissime & constantissime
totum illud bellum administravit: & ad eum exitum
perduxit, ad quem nulli prorsus peruenturum esse spe-
rauerant. Quid enim sperarent? cum & finitimas ci-
uitates ac Dynastas partim reuiuiscienti ac surgenti
MEDICVM gloriæ obscurè inuidere, partim rerum
nouarum cupidos Gallorum opibus palam fauere ani-
maduerterent, Regem autem ipsum potentissimum
vniuersam Galliam mox esse in Hetruriam effusurum
opinarentur. Consecutus igitur is exitus est, quem
& optimi quique magnopere optabant, & tanti He-
rois virtus tam excellens, tam admirabilis, tam incredi-
bilis expetebat. Atque hoc quidem in bello quid est,
Ciues, quod pro rerum dignitate & magnitudine pri-
us admiremur? Prudentiam ne? cuius vi factum est
vt cum hostes essent nos incogitantes atque impar-
tos iam iam obsessuri, ipsi se obsideri senserint: bel-
lumque, quo nos appetere instituissemus, in finibus suis ge-
rere coacti sint. An animi excelsi atque inuicti magnitu-
dinem & robur? quo ipse præditus nullum vnquam tam
atrox periculum rebus suis impendere animaduertit,
quod vel tantulum pertimuerit: nullam cladem tam
insperatam vnquam accepit, cuius ipse importunita-
te perterritus sibi esse ab incepto desistendum, & de
pace cum hoste agendum putauerit. An in rebus du-
ris atque aduersis patientiam? In prosperis & secundis
æquabilitatem? Quis enim illum, cum flagrate bello
fortuna minus propitia vteretur, frangi animo ac de-
bilitari vnquam vidit? Quis postea, cum eodem penè
die

die Heleonoram Toletanam lectissimam sceminam, & è Regia familia ad imperandum planè natam, vxorem suam, duosque item filios iam natu grandes, & animi, & corporis bonis omnibus florentissimos amississet, vultu immutatum perspexit? quis rursus cum res, quemadmodum omnes magnopere optabamus, prosperrime succederent, eum esse factum paulo elatiorē atque insolentiorē audiuit? Ac profectò videtur mihi diuino planè consilio accidisse, vt tantam belli molem ipse in se vnum incumbentem, tantumque fortunæ periculum & necessario subierit, & constantissime sustinuerit. quo scilicet apud omnium animos testatum esset: futurum omnino fuisse, vt si minus a fortuna ad regium apicem iam inde a puero eueheretur, regnum tamen ipse iam grandis natu sua sibi esset virtute comparaturus: Si quo casu præclare agendi occasionem nactus re ipsa ostendere potuisset, Virtutem potius quam Fortunam ab hominibus afferri oportere ad imperandum. Quis igitur tam durus, tam ferreus, tam inhumanus est, qui tanta tantæ virtutis & præstantiæ iacturâ non moueatur? Equidem quod ad me attinet, cum mecum ipse cogito quantum id sit, quod in vno hoc Heroe amisimus, nihil esse planè statuo, quamobrem nunc quidem omnes omnium miserrimi esse non iudicemur. Ac præsertim cum à rebus bellicis, in quibus quâquam prudentiam principē locum occupare oportet, fortunâ tamen iure quodam suo dominari ac regnare nemo negat, ad res vrbanas ac domesticas contemplandas animum reuoco. quando in iis non impetu ac temeritate sed delectu & sapientia ad agendum ducimur, quantumque in bello inconstantia & casus sibi vendicare, tantum in hisce ratio & consilium valere consuevit. Quid igitur, maioremne ille domi, quàm militiæ: togatus, quàm armatus: in pace, quàm in bello: inter Ciues, quàm

Laudatio ad funebrem conſolationem

quàm inter milites gloriã repperit? Repperit mea, quidem opinione tanto maiorem atque ampliorem, quanto laus exiſtimari ſolidior debet, quam nos ex noſtris potius, quàm ex aliorum præclare factis capimus. Quamquam quæ ipſe armis & militum robore quæſiuit, non aliorum viribus, ſed vni eius virtuti tribuamus neceſſe eſt. quippe qui conſilio & ſapientia, quæ foris geſta ſunt, dum in vrbe ſe continet, tanquam mens in capite reſidens, adminiſtrauit. vñ hac quidem, de re multo maiore in admiratione apud homines eſſe poſſit, quàm ſi ipſemet armatus in aciem prodieſſet; atque immemor ſuorum ſalutis, dum ſe periculis exponeret inanem gloriæ ſpeciem, & falſam quandam, non veræ fortitudinis laudem conſectatus eſſet. niſi nos fortasſe laterum ac lacertorum viribus virtutem potius, quàm ratione & conſilio metiamur. & cum, qui res magnas gerit, maiore commendatione proſequamur, quòd manibus valentior, quàm prudentia conſultior cum fuerit, rerum omnium ſummam in extremum diſcrimen adduxerit. Non eſt eorum hæc laus, quorum in vita totius Ciuitatis ac populorum omnium ſalus continetur. quam qui Reip. præſunt ſi vnà ſecum periclitari patiantur, iam non conſeruatores, ſed patriæ proditores vt appellentur, digni ſunt. Errant ita quæ illi mea quidē ſententia, & vehementer falluntur, qui iisdē ſontibus laudē manare exiſtimant Imperatoris, & hominis in Rep. principis: cuius cum ſalute Reip. ſalus ita coniuncta ſit & copulata, vt periclitari ac ruere omnino nō poſſit, quin & ipſa Reſp. planè periclitetur & corruat. Quærat hoc decus, atq; hoc audaciæ præconium, qui aut nihil præterea habet, quàm obre magnopere gloriètur; aut nullā aliam occaſionē ad præclare agendum ſeſe conſecuturos eſſe intelligunt. Sed qui perſonam ſibi eam impoſitam vident, cui non priuatim ſuam, ſed ſuorum beatitudinem

atque

Petri Angelii Bargai.

atque incolumitatem propositam esse oporteat, si reprehendendi plânè sint, si vt imperii fines proferant, vt trophæa de victis hostibus constituant, subire bellorum pericula, & vitam ipsi suam Fortunæ temeritati cōmittere non verentur. nulla est victoria, nullus triumphus tanti faciendus, vt dignus esse existimetur, cuius adipiscendi cupiditate impulsus nihil non sibi faciendum atque audendum ii putent, qui principem locum in Rep. obtinent. Multa sunt: in quibus solidiore omnino cum laude versari queant. Nam pie sancte que Deum qui colit: & vt ab aliis religiosissime colatur in primis cauet: qui optimos ac sanctissimos mores in ciuitatem ac Remp. inducit: qui præclarissimas leges, quibus domi forisque ciues vtantur, condit: quos suis nihil vt ad bene beateque viuendum desit, studiosissime curat: qui vrbes Deorum immortalium templis, basilicis, porticibus, statuis exornat: qui agros ex pestilentibus salubres: ex incultis ac sterilibus, celebres & fecundos reddit: qui Arcibus: qui propugnaculis: qui portibus regionē & imperii fines vincit ac munit, vt ciuibus nō modo securitatē, sed etiam vberissimam rerum omnium copiam & affluentiam pariat: Hunc ego non iam cum summis ac præstantissimis Imperatoribus Fabriciis, Curiis, Scipionibus, A Emiliis, Fabiis Maximis exæquandum, sed cum priscis illis Heroibus Hercule, Theseo, Pirithoo, Quirino comparandum, atq. adeo cunctis anteponendum puto. Nam quod ad Dei opt. max. cultum & religionem pertinet, vt omittam quàm seueris suppliciis eos, quia priscorum & sanctissimorum patrum institutis & præceptis dissentiunt, & nouas religiones in Remp. inducunt, semper fuerit persecutus: quàm omni diligentia perniciosas ac turbulentas huiusmodi opiniones seditiosorum hominum de ciuitate ac de imperii sui finibus expulerit, exterminauerit, eiecerit: quanta pie-

533
Laudatio ad funebrem concionem

tate Romanorum Pontificum ac Sacerdotū sanctimo-
niam obseruauerit: quā pudicē eas Virgines, quæ se
Deo dicauerunt, asseruari studuerit: quā frequen-
ter sacras aedes venerabundus adire, & sacrificiis, quæ
illic fierent, interesse consueuerit: quantam denique
pecuniæ vim in eorum fratrum ac Sodalium familias
& cœtus effuderit, quorum in colendo numine vel
quotidianam operam & assiduitatem interrumpi, vel
voluntatē & cursum inopia retardari intelligebat. Ut
tacitus (inquam) hæc omnia prætermittam: quale quā-
tumque illud est hærentis in animo atque in intimis vi-
sceribus ac medullis infixæ penitus erga Deum pietatis
testimonium? quod in hac ipsa vrbe Diuo Stephano
magnificentissimum templum ædificari curauero; at
non modo illi castissimos atque integerrimos sacerdo-
tes addiderit; verum etiam fortissimorum militum so-
dalitatem è nobilissimis totius Europæ familiis selectā
& conflata instituerit, qui publice priuatimque re-
ligiosissime pietatem colant, & ad Reipu. Christianæ
salutem defendendam ac dignitatem amplificandam,
maiestatemque retinendam in iis præsertim bellis, quæ
cum Turcis perpetuis atq. atrocissimis Christiani no-
minis hostibus suscipiuntur, vitam summa cum alaci-
tate, si res ita postulat, & ponant & profundant. Quā-
obrem illi quidem in ea pugna, quæ tribus scemē ab
hinc annis ad Echinadas insulas omnium maxime me-
morabilis a classibus nostris cum Turcærum classe cō-
missa est, non minus infusæ virtutis, quā integerri-
mæ fidei, cuius religione obstricti ipsi se ad pugnandū
contulerant, specimen dederunt. Nam cum omnes
fortissime se gessissent, partim in ipso prælio interem-
pti occubuerunt: partim multis acceptis vulneribus
seruati sunt: vt eius victoriæ non minimam laudē suo
ipsi sanguine & vita conquistam in Hetruriam repo-
tauerint: & M. Antonio Columnæ Imperatoris fortis-

simos

Petri Angelii Bargai.

Amo, cuius auspiciis duodecim ipsæ triremes lectissimorum militum, ac præstantissimorum Equitum robore vel in primis instructæ, & à COSMO MEDICE Magno Hetruscorum Duce ad Pontificem missæ Christianæ Reip. egregiam operam nauauerant, à Pio v. Pontifice max. triumphus in vrbe Roma decretus fuerit. In quo tum quidem non tam inuictissimi Imperatoris, ac de re Christiana optime meriti virtus est immortalitati commendata: quàm COSMI MEDICIS, cuius ille paratissimæ classi præfuerat, fides & obseruatia in Romanum Pont. incredibilis, pietasque admirabilis erga Deum spectata, & ab optimis quibusq. celebrata omnium ora atque oculos in se conuertit. quod ipsius opibus & copiis Populus Rom. adiutus re omnium pulcherrimam, & fortunæ saeuientis iniuria non modo ex oculis sublata, sed etiam è memoria plane deletam multis post sæculis renouare, ac lætissimus spectare potuerit. Quamobrem fremant omnes licet, dicam libere quod sentio. Vna hæc me hercule tam propensi in Remp. Christianam animi significatio huiusmodi fuit, vt inter tanti Pontificis acta, quæ & plurima, & præstantissima fuerunt, nihil reperiatur, quod illi sit apud posteros maius ad memoriæ perpetuitatē decus allaturum, quàm quod multò ante COSMVM MEDICVM, perspecta scilicet atque optime cognita tam excellentis Herois præstantia Magnum Hetruriæ Ducem appellauerat. Quid enim pulchrius cogitare? quid ad nominis immortalitatem sui certius facere potuit? quàm grauiissimo quodam ac singulari iudicio testatum relinquere, se tantam animi altitudinem, quam in multis ab eo præclare factis perspexerat, præterire non potuisse, quin, quibus ipse honorum insignibus ac monimentis posset, ornatam atq. illustratam prosequeretur? Viderat hunc optimus atque incorruptissimus Pontifex iam in dæa pueritiæ iustissime suis

Laudatio ad Funebrem concionem

imperare: populorum salutem charissimam habere: optimis moribus ciuitatem ornare: improbitatem & scelus odisse: integritatem: sanctitatem: innocentiam publice priuatimque colere: suis artibus & consiliis Italiae pacem multo labore constabilitam tueri: opibus & copiis rem Christianam iuuare: nullam praeclare agendi occasionem praetermittere: nihil non magnum atque excelsum cogitare: nihil non omni omnium admiratione dignum moliri. Nam & in Flaminia Helio-polim, & in Ilua insula Cosmopolim urbem ab humo excitatam extruxerat: eamque firmissimo praesidio munierat, ut Ligurum, ut Hetruscorum, ut Latinorum securitati prospiceret: & Africanis latronibus quasi compedes iniiceret. Viderat hunc eundem Oppidorum substructionibus ad eas Hetruriae partes, quae desertae sunt ac derelictae, frequentandas maritimam oram passim occurrerant, & in ipsis me hercule summis saxi ac scopulorum verticibus ad fines imperii tuendos arces & castella posuisse, quae & locorum situ, & murorum firmitate atque opportunitate turrium ac propugnaculorum incredibili, nulla ui expugnari posse viderentur. Viderat liberos, quos suscepisset, FRANCISCVM FERDINANDVM ac PETRVM certissima perfugia ac praesidia bonorum omnium domestica disciplina ad pietatem erga Deum, ad charitatem erga suos, ad liberalitatem & munificentiam erga omnes ab eodem educari: ad iustitiam, ad continentiam, ad temperantiam, ad lenitatem, ad facilitatem, ad affabilitatem colendam, caeterasque omnes (ut ita loquar) siue maiorum siue minorum gentium virtutes & percipiendas & habendas institui. Quarum quasi coetus & consensus mirabilem futurae amplitudinis spem polliceretur. Viderat, viderat, inquam, nullos exercitus a Caesare in Pannonias conscribi, ut irruentes in Germaniam

Turcas

Turcas coherceret: quin cum iis Hetrusca legiones armis atque omni militari copia ornatissimæ proficiscerentur: nullam Classē siue ab eodem Cæsare siue a Philippo eius F. Hispaniarum Rege comparari, ut cum Byzantiis classibus conficeret: ut Mauritanos latrones è sedibus exterminaret suis: ut Christianis hominibus aditum in Africam patefaceret: ut Libyæ oram præfidijs vinciret: ut Melitam iamdiu oppugnatam obsidione liberaret, quin cum eadem Classe Classis Hetrusca ad pugnandum paratissima nauigaret. Viderat denique iustissimo bello propulsatis & cohercitis hostium iniuriis fines longissime protulisse: sequeretur præclare gestarum & numero & magnitudine cum potentissimis regibus adæquauisse. ut si tantus Pontifex tantorum factorum amplitudinem & præstantiam tacitus dissimulasset, omnem planè omnibus Christianis Principibus spem ad præclare agendum optimeque de Rep. Christiana merèdum præcidisset: seque omnium esse hominum ingratisimum aperte significasset. o, admirandam sapientiam: o, mentem. Cælo ipso, vnde ad nos descenderat, dignissimam. quæ eo cognomine Heroem hunc nostrum par esse ut ornaret, existimaret, quod ad piè sancteque viuendum: ad iuste imperandum: ad populorum salutem tuendam: ad imperium Christianæ Reip. vindicandum ceterorum omnium animos in futurum excitaret. Sunthec omnino, Ciues, quæ hucusque commemorauimus, ingentis animi & heroicarum virtutum indicia, vel testimonia potius. Sed quæ sequuntur quàm quam fortasse nomine ipso leuiora: re tamen & factis, suo, si pondere æstimentur vel paria, vel ampliora videbuntur. Nam cum puer, quemadmodum a nobis supra dictū fuit, ad eam Remp. regendā & gubernandam vocatus esset, quæ tum ciuiliū dissensionum erat plenissima: tum huiusmodi Principum ac popu-



Laudatio ad funebrem concionem

lorum odiis vehementer laborabat: & iis fundamentis nitetur, quæ labefactari & conuelli paulo minore
to posse putabantur: ausus tamen est in tanta rerum
perturbatione: in ipsa Regni atque Imperii nouitate:
cum vndique metus ac formidines impenderent: cum
Exules bellum minarentur: cum Byzantio atque ex
intimis Thraciæ faucibus classis innumerabilis accersita
littora Italiæ, atque adeo ipsius Hetruriæ oras popu
laretur: Cum superiorum temporum difficultatibus
Ærarium exhaustum foret: Cum Hispania: Cum
Gallia: cum Belgia: cum Insubria bello vexaretur a
trocissimò: ausus, inquam, est magno vel potius in
credibili sumptu suo literatissimos homines & in o
mni scientia principes & variis Orbis Terrarum parti
bus in hanc Urbem euocare: & apud vos Theologiæ,
Philosophiæ, Iurisprudentiæ, cæteris denique omni
bus disciplinis ac facultatibus, quæ liberales dicuntur,
sedem ac domicilium constitueré. Vt hæc ipsa Urbs,
quæ nescio quo fato peculiari suo multos iam annos
in situ & squalore contempta ac deformata iacuerat,
ciuibuscque penitus exhausta, atque omnibus ornamē
tis spoliata, pristinam illam dignitatē suam amiserat,
tum primum recollectis & recuperatis propemodum,
vires refici paulatim ac recreari ceperit. Itaque eam,
hodie finitimæ nationes magna sua cum admiratio
ne sic celebrem & florentem intuentur, vt partim
inuideant: partim COSMI MEDICAS erga vos be
neuolentiā, & in studia literarū egregiam voluntatē
suspiciant. qui ingentibus propositis præmiis doctissi
mos homines apud vos aluerit: quorum ē scholis cla
rissimi adolescentes & omnibus doctrinis instructissi
mi prodierint: quicquid urbem frequentissimis ædificiis
ornari: vias muniri: agrum purgari: paludes exiccari
eurauerit. Quamobrem Urbem hanc vestram, Cives,
quæ Cælo & loco calamitosa putabatur, hodie salu
berri-

Petri Angelii Bargai.

berrimam esse tum ex ciuium, tum ex peregrinorum
 incredibili frequentia cognoscimus. Si quis igitur est,
 qui extremo hoc tanti Herois a nobis discessu non mo-
 ueatur: qui *COSMVM MEDICVM* Magnum He-
 truriz Ducem tanquam optimum parentem, ac non
 modo de hac ciuitate, quam ipse singulari semper qua-
 dam charitate profecutus est: & cuius aspectu tanto-
 pere delectabatur, ut ab eo in primis recreari videretur;
 sed de Reip. Christiana optime meritum sibi esse
 perpetuo lugendum, & tacita pietate deplorandum
 non puto; eum ego, ut idem iterum atque iterum re-
 petam, ne in hominum quidem numero haberi oportere
 censeo. Verum enimvero tantum abest, ut huius-
 modi quisquam inter vos sit, ut vester dolor, ve-
 straque lacryma, quarum vim incredibilem hoc tam
 acerbo casu effundi video, consolationem potius ali-
 quam desiderent: quam quidem ego doloris magni-
 tudine victus inuenire atque excogitare nullam pos-
 sum. Te enim *COSME MEDICES* amisimus, cuius
 in beneuolentia & charitate erga hanc Ciuitatem in-
 credibili tui conquiescebamus. Cuius humanitatem,
 clementiam, & liberalitatem sepiissime experti in ma-
 gnarum omnium affluentia beatissimi versabamur.
 Cuius denique virtutem, sapientiam & prudentiam
 intuentes nihil vnquam nobis secus esse euenturum
 verebatur, quam vellemus. Ac tu quidem nunc ex
 his tenebris ex hac temporum confusione, ex hac ho-
 minum peruerfate & rerum humanarum inconstan-
 tia corpore solutus discessisti: & in lucem vindica-
 sti: & in eum locum contulisti: in quo liber ab omni
 perturbatione rerum omnium tuum atque opifi-
 cem Deum contempleris: & a quo nos miseros, affli-
 ctos, infelices atque in luctu iacentes cum vides, fidem
 erga te & constantiam quibuscunque potuimus in re-
 bus contestatam recognoscas: Beneficiorum, quae tu
 in nos

Laudatio ad funebrem concionem

ist nos plurima & maxima consulisti, memoriam a-
mandam censeas. Ac nos quidem te tum propter
virtutes tuas Cœlo receptum, & cum Deus agen-
tem æuum: tum quòd F. R. A. N. C. I. S. C. V. M.: F. vi-
ces tuas in imperio sustinentem, iisdemquē in vesti-
giis herentem, quę tu in terris cum esses ad factorum
tuorum immortalitatem impressisti, nō modo gentis
& familię, sed etiam honoris & glorię Heredem: & in
Regnō incredibili tua cum prudentia optime consti-
tuto Successorem reliqueris, pię sanctęque semper ob-

seruabimus: tuique nominis desiderium crebris in
sermonibus renouāre, & memoriam cum
claritate vsurpare nunquam desi-



FLORENTIAE.

Apud Iuntas.

M. D. LXXIII.









